

## 2 Timoti

### Pas yimbu Por ai Timotimbo sürü papimarandi

#### *Por ai Timotimbo pas sürü papimarandi*

<sup>1</sup> Ro Por-anahi. God ai ahandihoari Sisas Kraisindi hoafi semindi horambo kamafoareandiri. God ai wambo nindou Sisas Kraismbo anihondumbo-rihinda yangiri koadürü niŋgoweimbi saimbo horombo hoafimareandi ranahambo wataporimboyorambohünda koamarihendiri. <sup>2</sup> Timoti, se wandi nimor hondü nahurai-anafi, ro shambo pas nda sürü paparhandi. Ape God asu shifi Adükari Sisas Krai ai shambo aboedi hohanimo-ndinaninühi hipoambo-ndineanina ŋusüfoambe afure kümbearo-amboane.

#### *Shiri yowan aboedi hoafi hoafimbo amoanŋg+yopoani*

<sup>3</sup> Ro Godindi himboahü huti-koate ahandi ratüpurü ratüpurüya arhandi wandi amao mam amboani rani-sünguarihindi nou. Ro sirihü asu nimbokoani shambo hohanimo-yahaninühi Godimbo hihifirihünühü didibafiyaeando arhandi. <sup>4</sup> Asu se wambohünda aranimayafi ranimbo hohanimoyahaninühi ro shambo hoeifeninimbo afindi hohanimoayahi. Ro asukai hoeindihetaninühi rananimbo hihifi-hihifi-ndamboyahi. <sup>5</sup> Ro shafi Kraismbo anihondumbofe hondü ranahambo asukai hohanimoayahi. Shafi

asari Rois asu sihafî me Yunis ai weyangurühi anihondümborine marinandi, nga ro yarihe anihondümborine ariheandi sihafî anihondümborine hohoanimo amboa ahafe nahurai-ane.

<sup>6</sup> Ranimbo-hündamboane sihafî hohoanimo botariheanini. Ro wandi wari sihafî mbirowami manandihendi ra God ai sihambo ranipoanimo nginindi masaganini. Rananimbo sihafî nginindi ranai hai pipirowanda ahoro nahuraimbeyowa sahehea.

<sup>7</sup> Sapo God ai sihefimo Yifafi masemuni ra yihimbo sayamuni-randeimbi-yopoani, nga wani. Yifafi ranana sihefimo nginemindimunaninindou ngorumbo ngusüfo pefe asu sihefi hohoanimo ndofe hifandimboyo hohoanimo ra masemuni.

<sup>8</sup> Ranimbo-hündamboane se sihefi Adükarindi hoafi hoafimbo amoaniniginidamboyafi. Asu se wambo amoaniniginidamboyafi, nga ro ahandi ratüpurimbohünda karabusimeheand-ane. Nga se Godindimayo nginindi raninambo Aboedi hoafi bokari-hefembohünda rodibo tinirifondemboane. God ai ranimbohündamboyo nginindi sayamuni arandi.

<sup>9</sup> Asu ai aboedamboreamuni mbura ahandi sürühoeimbinindoubore kafoare hiniginimareamuni. Ai ramareandi ra sihiri aboedi hohoanimo-mayefamboyopoani, nga wani. Nga ranana horombo hondü God ai hifi sünü nafi-koateyambeyo Kraisindi süngu aboedi hohoanimo-memuna ahandi nindoumboyahu tükümehundi.

<sup>10</sup> Nga asu hapondani ana Sisas Kraisihefimo aboedambo-reamuneimbi ranai ndeara weindahitüküfimboani. Asu ahandi ratüpurisüngu Godindi nindoumbo aboedi hohoanimo

amboani weindahi tüküfemboane. Sisas Krais ai yifindi nginindi hifinambo-mareanda yifi ai nginindikoate-ane. Asu ahandi aboedi hoafi raninambo munguambo nindou ai yifikoate yangiri koadürümbo-koadürümbo niŋgombo ra weindahi-mareandi.

<sup>11</sup> Ai wambo kamafoareandiri aboedi hoafi wataporimboyo, Kraisindi hoafi semindi ho, asu nindoumbo Godindi hohoanimo yamundiŋe raraombohünda. <sup>12</sup> Ro tiriŋifo asahamindih aboedi hoafi hoafiya arihandi ranimbo-hünda, nga ranahambo ro moai amoaninŋiyahi. Sapo ro Nindou anihondümbo-arihin ahambo fifirihin. Asu ro fifirihendi ai wambo rani ratüpur masendi ra hibada ngumbo Sisasindi adükari si ra tükündifemboe.

<sup>13</sup> Ro yamundi-marihendi himborimayafi ra aboedi sisami nahurai-ane asu se mam yahurai nindoumbo yamundowandüri ndandi. Ranimboane se Sisas Kraisimbo anihondümbo-ndiworühi ngusüfo pandoworühi asu rani-hoafi yamundo ndandi. <sup>14</sup> God ai aboedi hoafi sihaf warihümareandi ra aboedi moatükun-ane, nga se wudipoapondo hibadandi. Yifiafi Aboedi sihefi fiambe amaro ranai fandiheninimboe rani ratüpur ra hifandimbohünda.

<sup>15</sup> Se fifirowandi munguambo nindou Esia hifihüندی ai wambo hininŋi-marihindir. Asu Figerus weimbo Hemogenes amboani hininŋi-marineandiri.

<sup>16</sup> Ro didibafehandi Adükari ai Onesiforus ahandi aborüdi babidimbo hipoambo-mbireandür-amboane. Ai wambo karabusambeani yahu amoaninŋikoate süni hoeireandiri

randani ŋgusüfo aboedi kürihe mamarihî.  
 17 Ai süfumbo Romohü wambo tîŋirîfoyuhü  
 kokorandîrimbo asu sünguna hoeimareandîrî.  
 18 Ro dîdîbafehendi Adükarî ai Godîndî  
 yîbobofe si tüküfe simboanî hîpoambo-  
 mbîrir-amboane. Se fîfîrowandî Onesiforus  
 ai ro Efesusîhü karabusîyahe nîmarîhambe  
 wambo fehefe-ndîrimbohünda afîndî ratûpurî  
 ratûpurîyu marandî.

## 2

### *Timoti ai Kraisîndî ratûpurî wudîpoaponde ratûpurîmbiyu-wamboane*

1 Asu wandî nîmorî Timoti, muŋguambo  
 si Sisasîndî-mayo aboedi hohoanîmo ranai  
 sîhambo ŋgînimbi-ramîndînin-amboane.

2 Asu yamundîfe hoafi ro nindou afîndî-  
 yei hîmboahü wataporîmbo-marîhandî ra se  
 hîmborîmayafi. Ranî hoafi ra nindou Godîndî  
 hoafi anîhondümbö kikîhî-ründîmondeimbi  
 ahamundî warîhündowapurî. Rananîmbo  
 asu ai asükai nindou bidîfîrambo yamundî-  
 mbîrundür-amboane.

3 Se Sisas Krisîndî ami aboedi nahuraim-  
 bondafo nîmbafi. Rananîmbo se ro-dîbo  
 tîŋirîfo ra ndahoamînde-mboane. 4 Se

ami-yomondî ratûpurî fîfîrowandî, sapo ai  
 amimboyafu ratûpurayomo ra ŋgîrî ŋgorü  
 ratûpurî ndowandümo, ŋga wanî. Aiana moanî  
 ami ratûpurî ranî yangîrî ratûpurî-ndîmondanî  
 ahamundî bogorî ai ahamundî ratûpurî  
 ranahambo aboed-ane mbeyahua mbîsîmo hou  
 ranî yangîrî ratûpurî-ndîmboemo. 5 Asu nindou

ai napo sem+nd+imbo p+pi ranambe p+payu ana, p+pi ranahand+ ah+n+ ra süngundeand+. Ai ra süngufekoate-ayu ana, ai p+pi+mayu ranahambo napo sem+nd+imboayu amboan+ ng+r+ ndemüdu. <sup>6</sup> Nindou nümbürambe manj+r+ h+fi+reandüh+ t+ñ+r+foayu ai-boatei b+di+f+r+ ses+ ra yimunguri-mb+ramüdu-wamboane. <sup>7</sup> Hoaf+ nda ro hoaf+mayah+imbo se hohoan+mondaf+, nga Adükari ai s+haf+ hohoan+moambe hor+ndea-n+n+mbui. Asu ranan+imbo se hoaf+ ranahand+ n+im+nd+ ra wud+poapondo f+fi+r+ndo-wamboayaf+.

<sup>8</sup> Se hohoan+mondaf+ f+fi+r+ndowand+ Sisas Krai y+fi+hünd+ bot+imefiyu ranana Defit, Israeri-yafe adükari bogor+nd+ s+rambeah+nd-ani. Ran+imboane aboed+ hoaf+ ro watapor+imbo-ar+hand+ ranahambo hoafayah+. <sup>9</sup> Ro aboed+ hoaf+ hoafiya mar+hand+ ran+imboyo nindou ai wambo moaruwai nindou-ani yahomo houmbo mam+karambo t+ñ+r+fo saund+r+ mburümbo karabus+marund+r+. Nga God+nd+ hoaf+ ranana ng+r+ karabus+nd+feyo.

<sup>10</sup> Ran+imbo-hündamboane ro hohoan+mo ng+n+nd+ kür+heandüh+ munjuambo t+ñ+r+fo ra asaham+nd+h+ nindou God ai wand-anei yahundüreimb+ ranaheimbo fehefe-ndür+imbohünda.

Ran+imboanah+ ai-amboan+ Sisas Krai ai aheimbo aboedambo-ndeandüra ai-d+ibo koadürümbo-koadürümbo h+imboamupuimbo-randeimb+ kapeihü mb+n+imboeia sahehea hohoan+moayah+.

<sup>11</sup> S+h+r+ hoaf+ nda an+hondümbo-nd+humboane:

S+h+r+ ai-d+ibo y+fi+yef+ ana,

asükai s+h+r+ ai-d+ibo yang+r+  
n+imboemboyef+.

12 Sîhîrî ai-dîbo tîŋîrîfo asahumîndefî ana,  
 asu sîhîrî ai-babîdîmbo bogorîmbondahu  
 hîbadîhumboyefî.

Nga asu sîhîrî ahambo daboada hîhîrarîhurî ana,  
 ai sîhefîmbo daboada hîhîrîndî-  
 ndeamunûmbui.

13 Sîhîrî ahambo sîngufimbo hoafîyefî  
 mburîhumbo  
 asu sîngufekoate-ayefî anasi,  
 asu aiana ahandî hoafîmayu ra  
 sîngundeambui.

Aiana ŋgîrî ahandî hohoanîmo ra ŋgorû-  
 sîngundeandî, ŋga wanî.

*Timoti ai Godîndî ratûpurîyombo  
 tîŋîrîfombiyu-wamboane*

14 Se nîmorehî nindoweniî ranaheimbo  
 ranî hoafî ranahambo hoafîndafîndürî nda  
 ŋgafî. Asu Godîndî hîmboahü se aheimbo  
 ahînî hoafîndafîndürî ai ŋgîrî hîfînîndî  
 moatükunî ranahambo hoafînambo sîmborî-  
 sîmborîndei. Ranî-moatükunî ranana  
 nindowambo famandîheirî-poanî, ŋga nindow  
 hîmborayeî ranaheimbo moaruwaimbo-  
 ndearûmboe.

15 Se Godîndî ratûpurîyo-randeimbî  
 nindowmbofe tüküfembo tîŋîrîfondafî,  
 rananîmbo God ai sîhafî ratûpurî ra aboed-  
 ane yahomböhünda. Rananîmbo se Godîndî  
 ratûpurîyafî-randeimbî amoanîŋgîkoate-  
 ndafühî ahandî hoafî wudîpoapondo yamundo-  
 wandürîmboyafî. 16 Se Godîndî hohoanîmo  
 sîngufekoate hoafî ranî-fikîmî ŋgamboyafî,  
 ŋga yowanî. Sapo hoafî moaruwai ranai

ana nindoumbo Godindî süngufe angunî ndemindindürî ngomboe. <sup>17</sup> Sapo hoafi ranana masimeî moaruwai hamindî adükari tükefeyo nahurai-ane, nga rananîmbo nindoumbo moaruwaimbo-ndeamboe. Sapo Himeneus weimbo Firetus rawefîne marînandî nou. <sup>18</sup> Nindou rahurai aiana hoafi hondü ra hinîngîrîneambo anafandî, sapo ai hoafiyafandühi safaniya, ‘Sîhîrî ana yîfîhündî botîmayahundane, ranîmbo wambo asu ngîrî sünguna yîfîhündî botîndahundî,’ safanî arînandî. Ranane hoafi ranai bodîmondî-yafe Godîmbo anîhondümböfe hohoanîmo ra moaruwaimbo-reandürî arandî.

<sup>19</sup> God ai Kraisindî nendî ngînemindîmbo-hünda Krais kambohoanî nahurai mafondirî. Kambohoanî ranîfîhî sürü nda apenîngo: ‘Adükari ai ahandî nendambo ndore fîfîrea-ndürîmboani.’ Asu ngorü sürü amboanî nda ‘Munguambo nindou ai seiya, “Ro Adükari-nd-aneî,” aseî ranai ana moaruwai hohoanîmo ranahambo daboadî hîhîrî-mbîrîhind-amboane.’

<sup>20</sup> Adükari worambe gor asu sirfa ranînambo hîpîrî nafîrühî masîhehindî. Gor sirfa ranînambo yangîrîyopoanî, nga nîmî asu hîfî ranînambo amboanî nafîmarîhündî. Ranî-moatükunî ra bîdîfîrî ranî-poanambo ratüpurîmboyo asu bîdîfîrî mamîkarambo moatükunî ratüpurîmboyo. <sup>21</sup> Ranîmboane nindou düdi ai ranî mamîkarambo hohoanîmo ra hinîngîreandühi Godindî himboahü aboedayu ana, ai ranî-poanîmbo ratüpurîmbo hîpîrî nahurai nüngumbui. Ai Adükari-ndî yangîrî

nüŋguhü asu ahambo fandîheirühi aboedî ratüpurimbo yangîri nafîramîndî niŋgo marandane.

<sup>22</sup> Nga ranimboane se nindou hoarîfambori-yafe moaruwai hohoanîmo ranahambo feboawandî. Nga se mbumundî hohoanîmo, Godîmbo anîhondümböfe hohoanîmo, ŋusüfo pefe hohoanîmo, ŋusüfo afurife kife hohoanîmo, ranî hohoanîmo-animbo ndowandîfî. Nindou didîyei Godîndî himboahü sürühehi-ndeimbîyei asu Adükarîndî ndürînambo didîbafîyahi arîhündî ai sebabîdimbo ranî hohoanîmo süŋgundîhindî.

<sup>23</sup> Asu se nindou ŋusüfo hohoanîmokoate hoafî ŋgorü-süŋgu ŋgorü-süŋgu-rîhündeimbî ranahei fikîmî ŋgamboyafî, ŋga yowanî. Nga se fifîrowandî hoafî yahurai ranana hoafînambo simborî-simborî tüküfe randühane. <sup>24</sup> Asu Adükarîndî ratüpurîyu-randeimbî ana ŋgîrî hoafînambo simborî-simborîndu, ŋga wanî. Nga ai nindou muŋguambo afure hohoanîmoyuhü ndore yamunde-randeimbîyu haya himboarî-yangîrî hîfandî-randeimbîmbiyu-wamboane.

<sup>25</sup> Adükarîndî ratüpurîyu-randeimbî ai himboarî hoafendînduhü, nindou mamî hohoanîmo süŋgufekoate-yeimbî ranaheimbo yamundeandürî. Rananîmbo God ai ahei ŋusüfoambe hîhîrareandürî ana, anîhondü yamundîfe hoafî ra himborî-ndeimboyei.

<sup>26</sup> Nindou yahurai ranana Satan ai aheimbo ahandî andürambe masemündündürî ahandî hoafî süŋgufembohünda. Nga ai hoafî hondü ra fifîrarîhindî ana, Satanîndî andürî



ra hiniŋgirihi moanambühi aboedambo  
tükündahimboyei.

### 3

*Bidiŋranambo si tüküfeyoambe ana nindou ai  
moaruwai hohoanimo-ndeimboyei*

<sup>1</sup> Se fiŋirihiŋdidi bidiŋranambo si akimi  
tüküfembo-yoambe ana tiŋirifo afindi  
tükündifemboe. <sup>2</sup> Nimboe sapo nindou  
ai ahei fimbo yangiri hohoanimondeih,  
kakimbo yangiri hohoanimo pandihimboyei.  
Ai ahei fimbo yangiri borindeih asu ŋgorü  
nindoumbo hohoanimo-koatendeih nindou  
bodimondambo tirifoefe hoafindeih, ŋgiri  
ahei boagiri-yei hoafi himborindei ndühündi.  
Ŋgiri nindou ranaheimbo hihifindihündüri  
asu ai Godindi hohoanimo süngufekoate-  
ndeimboyei. <sup>3</sup> Ai ŋgiri nindou bodimondambo  
hohoanimondei asu ŋgiri nindoumbo  
amboawiyeyi mbisei. Nga ai daboadan nindou  
ŋgorümbo amonŋoni hoafindeimboyei, asu  
ŋgiri ahei fi wudipoapondihi hibadihündi,  
nga ai hipoambofe-koatendeih nane aboedayo  
ra moaruwaimbo-ndihimboyei. <sup>4</sup> Asu ai ahei  
ŋgunindambo amboani hohoanimo-koatendeih  
moaruwai moatükuni randihimboyei. Ai  
hohoanimoyo hoeifekoate ratüpuri-ndeimboyei.  
Ai hohoanimo-ndeihiya, roana bogori nindou-  
anefi mbisei hehi Godimbo hohoanimoate  
hifi ndanihündambo hihifi-hihifi hohoanimo  
yangiri hohoanimo-ndeimboyei. <sup>5</sup> Ai Godindi  
hoafi ra fi yangiri süngundi-himboyei, nga  
ahandi ŋginindi adükari engoro ra ŋgiri

fifirindihindi. Se nindou yahurai ranahei fikimi ho-poani, nga yowani.

<sup>6</sup> Nindou yahurai aiana nimorehi hihindi hohoanimo yeimbi moaruwai hohoanimo yei arihundi ranahei worinambo ho ahei hohoanimo ngorü-süngufe hifandimbo ranimboane nafi kokoarundi. Moaruwai hohoanimo ai ahei ngusufambe botireandura rani hohoanimo ra refembo hohoanimo yei arihundi. <sup>7</sup> Asu nimorehi ranai simbori yamundife sahümundi arihundi, nga ai ngiri Godi anihondü hohoanimo ra fifirindihindi. <sup>8</sup> Horombo Sanes weimbo Sambres ai Mosesi hoafi daboadi hihirima-rineandi rani süngumboane hapondani amboani anihondü hoafi ranahambo daboadi hihirarundi. Ranane ahamundi hohoanimo ranai mamikari-yomondühi asu ahamundi Godimbo hohoanimo ra moanane. <sup>9</sup> Nga ahei rani hohoanimo ra ngiri adükarü tükündefeyo, nga wani. Munguambo nindou ai hoeindihindani ahamundi hohoanimo ai mamikari-ndapurimboe sapo horombo Sanes weimbo Sambres ramefineandi nou.

*Timoti ai Godi hoafi nginindi kikihimbi-ramüdu-wamboane*

<sup>10</sup> Nga seana wandi yamundife, hahabodi marihandi asu wandi hoahoango ranahandi nimindi ra fifirowandühi süngumarowandi. Ro Godimbo anihondumbo-rihinühi ngorü nindumbo afurithe hohoanimo-yahandüri asu nindumbo ngusüfo parihandürühi tinirifo tüküfeyowani moanane sa nginindi nimboa marihandi ra se fifirowandi. <sup>11</sup> Sapo ro Andiok, Aikoniam asu Ristra ngoafihü

nindou ai wambo moaruwaimbo-r+hindirühi asübusi masehündi ra se fifirowandi. Ro rani ngoafihü t+ñ+rifo masaham+nd+h+yosi, nga Adükari ai famar+hendira aboedambo animboahi.

<sup>12</sup> An+hond-ane, munguambo nindou Sisas Kraisi d+bo n+imboadeimbo God+nd+ hohoan+mo sünguar+hindi ana, nindou ai aheimbo moaruwaimbo-nd+hindür+imboyei.

<sup>13</sup> Nga nindou moaruwai God+nd+ hoafi fi yang+ri süngurundeimbi ahamundi hohoan+mo ranai ngo-ngombo moaruwai ham+nd+nd+imboe. Ai nindou bi+d+fi+ri-yei hohoan+mo mam+kari-rundürh-anemo, nga asu ahamundi hohoan+mo amboan+ mam+karakapuri.

<sup>14</sup> Ro sihambo hoafehan+ni, se hoafi himbor+yafi mbura an+hondümbö-arowandi rani yang+ri süngundo ngafi. Hoafi ra an+hond-ane, sapo nindou düdi sihambo yamundi-mar+hin+ni ranaheimbo wud+poaporo fifirowandüri.

<sup>15</sup> Asu se fifirowandi sapo se n+mor+ akidouyafambe hafimbo sihambo hohoan+mo aboedi saimbo God+nd+ hohoan+mo paiaroweimbi buk rani-boatei fif+ri+marowandi. Buk ranan+imbo hohoan+mo aboedi dagan+nani Sisas Kraisi+imbo an+hondümbö-nd+woran+ asu God ai sihambo aboedambo-ndean+n+mbui.

<sup>16</sup> God ahand+ bukambe hoafi ra weindah+mareandi. Asu yamundi+fembo, moaruwai hohoan+mo nafuimbo, hohoan+mo di+di+boado-fembo asu mbumundi hohoan+mo süngufembo yamundi+fe-mbohündambo hoafi ra aboed-ane. <sup>17</sup> Ranan+imbo nindou di+di+yeyi God+nd+ hohoan+mo sünguar+hindi ranai aboedi ratüpur+ ratüpur+imbohünda ndor+hi fif+ri+himboanei.

## 4

*Timoti ai Godindî hoafî hoafimbo nginindî  
mbinüngu-wamboane*

<sup>1</sup> Sisas Kraiss ai weindahî kuduani asu ahandî nginindî hifandarandî ra tükündifeyoani ai yangirî niboadeimbi asu yifeyeimbi ra yibobondearümbui. Ahandî asu Godindî himboahü ndanahambo sîhambo ahinî hoafehanî. <sup>2</sup> Se aboedî hoafî ra bokarihéfembo nginindî nimbafî. Nindou ai himborîndeianîyo asu wanîndoanîyo ra se bokandîhao ndandî. Nindou ai ahei hohoanîmo moaruwai hoeifembohünda hoafîndafîndürî. Ai moaruwai hohoanîmo-ndeianî se nginindî hoafîndafîndürî. Ahei ngusüfoambe kikîmo-boadowandürî. Hinîngîrou hoafîndafîndürühî wudîpoapondo yamundowandürî. <sup>3</sup> Himborîyafî, süngunambo ana nindou ai hoafî hondü ranahambo himborîkoate-ndeimboyei. Rananîmbo ai nindou afîndî aheimbo yamundîfe-ndürîmbo kokondîhü-purîmboyei ninî hoafîyo ai himborîmbo hohoanîmoyeimbi ra yamundîfe-ndîrûmbohünda. <sup>4</sup> Rananîmbo hoafî hondü ra hinîngîndîhi hehi moanî hoafî yangirî ra süngundîhimboyei. <sup>5</sup> Nga se munquambo si wudîpoapondo hohoanîmondafî se tîjîrîfo ndowandîfî asu nindoumbo aboedî hoafî ra wataporîmbo-ndandürî. Asu Godindî ratûpurî ra se anîhondümbö hamîndî ratûpurîndafî.

*Por yifimbo akîm-ani*

<sup>6</sup> Wandî yangîrî nîŋgo ra Godîmbo sesi saimbo nahurai-ane, ŋga ndeara wandî yîfîmbo ra akîm-ane. <sup>7</sup> Ro aboedî hamîndî yîfiarîya, yangîrî nîŋgo semîndîmbo ra pîpîmayahî ranane ro pîpî moendîfemboyo-wamî tüküyaheandühi wandî Godîmbo anîhondümböfe ra kîkîhari-hamîndîhi. <sup>8</sup> Hapoana napo pîpambe horombofe hefe semîndîmbo ranai yangorî hîfandarandî. Napo ranana ndahurai-ane. Adükari ai wambo mbumundî nindou mbüsümbui. Adükari ai mbumundî hohoanîmo süŋgu nindou yîbobore arandî sapo ahandî adükari yîboböfe si ra tükündîfeyoanî napo ra wambo ndendîrîmbui. Ai wambo yangîrîyopoanî asendîrî, ŋga nindou muŋguambo dîdîyei ahambo weindahî tükündîfiyuanî hoeifimbo hîmboyeihî amarei ranaheimbo amboa.

*Timoti ai nîmehünou Porîmbo sowana mbüsünü-wamboane*

<sup>9</sup> Se wambo sowana nîmehünou sînimbo tîŋîrîfondafî. <sup>10</sup> Demas ai hîfîhündî hohoanîmo süŋgufembo afîndî hohoanîmoyuhü wambo hînîŋgîreandîrî haya Tesaronaika ŋgoafînambo mahu. Kresens ai Garasia hîfîna mahu asu Taitus ai Darmesia hîfînambo mahu. <sup>11</sup> Asu Ruk mamî yangîr-ani ro-dîbo anüŋgu, ranîmbo-anîmbo dügüfîhü Mak ndowarîndîfî dügüfî. Rananîmbo ai wandî ratüpurî ra farîhendîrî haya ratüpurîmbiyu-wamboane. <sup>12</sup> Ŋga Titikusîmbo ana Efesusînambo koamarîhehina mahu.

<sup>13</sup> Asu se asühüfî ana, wandî ŋgîsîharî hoearî warî hoandarî Troas ŋgoafîhü Karpusîndî worambe masîheheandî ra ndowandîfî dügüfî,

asu buk amboani kapeihi. Sapo buk nin+hondi hoearinambo nafiyoweimbi-mayo ra.

<sup>14</sup> Areksander napo bras kapanambo nafirarandeimbi ai wambo afindi moaruwaimbomareandiri. Ranambo-hunda sungunambo Adukari ai simbori ahambo moaruwaimbombirir-amboane. <sup>15</sup> Nga se-amboani nindou ranahambo-animbo hibadambo. Nga ai-aniiyihoe fi hoafi hifinambore arandi.

<sup>16</sup> Weangurühi ro kotambe simbori hoafimayah ra moai nindou didai-amboani farihendiri, nga munguambo nindou ai hin+ngimar+hindiri. Nga God ai aheimbo amboawiyei mbeyahuamboane.

<sup>17</sup> Asu Adukari ai ro dibombo nungumbo nginindi masendira ro aboedi hoafi ra Suda-yafe ndifo ranaheimbo didi+boadondihe wataporimbo-ndihamboyah. Raniyo God ai wambo nimambeahindi nin+hondi raion yahamonindi humarhendiri.\*

<sup>18</sup> Mami rani-sungumboane Adukari ai wambo nindou moaruwaimbo-fembo hohoanimoayei ranambeahindi aboedambo-ndeandirimui. Ranimbo ai sunambe nginindi hifandarandi ranambe aboedambo ndemündündiri gafumbui. Koadürümbo-koadürümbo ahambo aboed-animbi+sefimboane.

<sup>19</sup> Asu se wandi hihifi hoafi Prisira weimbo Akwirambo asu Onesiforusindi worambeahindi aheimbo hoafindafi. <sup>20</sup> Erastus ai Korin ngoafihu awi mbanungu. Trofimusi angun+mbomayua

---

\* **4:17:** Nda kafeefe hoaf-ane. Raion ai nindou bidifiri mbura arandi. Kafeefe hoafi ninindi ra Porimbo tinrifo tüküme Feyowa yifimbo yangir+mayu, nga God ai ahambo mafar+heira aboedambomefiyu.

Muretus ngoafihü hiniŋgimarihini. <sup>21</sup> Asu se wambo sowanambo sifombo tiŋirifondafi ŋgisihari tüküfekoate-yoambe. Yuburus, Pudens, Rinus, Krodia asu muŋguambo anihondümborihindeimbi ai sihambo hihifi hoafi koararihelinini.

<sup>22</sup> Adükari ai se-di-bo mbinüngu-wamboane. Nga asu ahandi moani hipoambofe ai se-di-bo mbeyangoro-wamboane.

**Godindï Hoafi**  
**The New Testament in the Angor language of Papua**  
**New Guinea**  
**Nupela Testamen long tokples Angor long Niugini**

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

---

PDF generated using Haiola and XeLaTeX on 11 Nov 2022 from source files dated 9 Oct 2020

c500d379-d0cf-5c22-9613-91d7bcc63af3